



## JUDICIAL SYSTEM MONITORING PROGRAMME PROGRAMA DE MONITORIZAÇÃO DO SISTEMA JUDICIAL

### KOMUNIKADU IMPRENSA

Periodu : Julho 2009

#### **Akuzasaun Ministeriu Publiku La Forte: Arguida Kazu Omisidiu Infantile Hetan Liberdade Total**

Omisidiu hanesan aksaun krime ida ne'ebe hetan objesaun maka'as husi povu en jeral, nune'e mos aksaun omisidiu kontra labarik/infantile tuir lei hanesan mos aksaun krime ne'ebe mos kontra normas legal. Kazu omisidiu infantile ne'e la sés husi rezultadu relasaun sen cazal. Impaktu husi relasaun sen cazal ne'e inan ne'ebe ko'us ka isin rua hili dalan hodi halo omisidiu infantile/ba labarik depois de inan ne'e hahoris labarik tanba tauk no moe ba viziñu sira.

Iha kazu krime omisidiu ba labarik ne'ebe ho prinsipiu legal dehan katak "Crime infantile" hanesan ba kazu no prosesu 51/C.ord/2009/TDD. Inan husi labarik ne'e ho inisial ZC hetan akuzasaun nu'udar arguidu ba kazu ne'e. Bazeia ba akuzasaun ne'e, arguida depois de hahoris direktamente hakoi kedas iha ko'ak casa de banho/sintina nian. Iha akuzasaun ne'e mos dehan katak iha relatóriu médiku no fotografia ne'ebe esklarese konaba buti labarik nia kakorok ne'ebe arguida foin hahoris, maybe bazeia ba esklaresimentu husi juiz katak akuzasaun husi Ministeriu Publiku ne'e la dehan loos sirkumtansia kronologia akontesimentu ho detalladu no la iha baze legal. Konaba omisidiu infantile ne'e arguidu no testemuña uza sira nia direitu atu nonook deit. Nune'e iha sesaun akuzasaun oral Ministeriu Publiku dehan katak la iha provas ne'ebe forte hodi hamonu sentesa ba arguida tanba sira hili sira nia direitu nonook mesmu iha relatóriu médiku no fotografia husi akontesimentu legal ne'e ne'ebe esklarese katak iha duni fatin buti kakorok ba labarik ne'ebe arguida oho. Tanba la iha provas ne'ebe autêntiku nune'e husu atu arguida hetan liberdade total husi akuzasaun. Parte defeza Cancio Xavier mos asseita ho pedidu ne'ebe mai husi Ministeriu Publiku ba kazu ne'e.

Depois de rona tiha parte rua tribunal mos deside katak arguida hetan liberdade total husi akuzasaun, tanba tribunal la hetan faktus ruma husi akontesimentu legal ne'e katak arguida mak sai hanesan atór ba krime omisidui infantile hasoru nia oan rasik. Tuir juiz arguida mos antes iha notas criminal ho tipu ne'ebe hanesan liu-liu iha tinan 2004. Iha kazu primeiru ne'e mos la hetan sentensa relasiona ho ninia hahalok, ida ne'e akontese tanba tribunal la hetan provas relevante ba kazu hanesan.

Tuir Ministeriu Publiku Angelina Saldanha SH. Aksaun arguida ZC kontra tiha ona artigu 114 artigu 252 KPP no 341 Kódigu Penal. Bazeia ba artigu sira ne'ebe temi iha leten tuir juiz arguida tuir loloos hetan pena sentensa durante tinan 12 tanba aksaun arguida priense kriteriu omisidui hodi buti kakorok husi labarik depois de hahoris.

Atu hetan informasaun kle'an favor kontaktu:

Luis de Oliveira Sampaio

Diretor Ezekutivu JSMP

Diresaun email: [luis@jsmp.minihub.org](mailto:luis@jsmp.minihub.org)

Landline: 3323883